



西湖志
三

北山勝蹟

共十六

ル 5
1097
3



1097
3



西湖遊覽志第八卷

北山勝蹟

出湧金門而北為豐樂樓

豐樂樓宋初為衆樂亭尋改聳翠樓政和中改今

名淳祐九年安撫趙與憲重構之瑰麗崢嶸掩

映圖畫俯瞰平湖千峰連環一碧萬頃柳汀花

塢歷歷欄檻間亭榭翬飛遠近映帶遊撓冶騎

菱歌漁唱往往會合於樓前元末乃燬嘉靖二

十年郡守陳公仕賢毀柳洲寺而重建之為賓

錢唐田



汝成輯撰



使館所題曰柳洲別館館後有樓題曰豐樂存
舊蹟也編修金璐爲之記宋趙忠定公詠豐樂
樓柳梢青詞水月光中烟霞影裏湧出歌臺空
外笙簫雲間笑語人在蓬萊天香暗逐風回正
十里荷花盛開買箇小舟山南遊遍山北歸來
○元楊仲弘詩崢嶸飛構壓名邦西望平湖東
望江氣合重玄蒙沆瀣標存九域奠洪龐朝來
散霧縈朱拱夜后流星透碧牕倚遍欄干愁目
眩飛鳶旋轉故雙雙

柳洲寺宋開寶間錢王建本名資福院院傍有

元庵會靈廟卽五龍王祠開禧元年趙師異僞
爲柳洲寺洲傍有黑亭子灣呂洞賓祠集賢亭
上船亭養魚莊環碧園迎光樓劉氏園並廢○
上船亭賈似道建養魚莊環碧園皆楊和王別
業軒亭皆高宗御書○迎光樓張循王別業○
劉氏園內侍劉王外宅

出錢唐門瀕湖爲王蓮堂折而北爲小鵲樓

王蓮堂舊在府治中宋時安撫魏亮愚徙建于此
都人競渡湖中以此爲奪標之所久廢 皇明
嘉靖二十一年按察僉事劉望之欲建賓館于

此間名于汝成汝成爲陳故豐且曰興滅闡德以無忘前人復其名爲王蓮堂何如公欣然首肯乃濬池環門樹以白荷甫成而公以憂去偏額尚未揭也俚人但稱月牙公館云

來鵲樓邑人張文宿別墅也嘗爲晉江令有雅致寄傲湖山構樓湖畔棟宇經始有鵲巢焉遂名來鵲樓

錢唐門沿城而北舊有錢武肅王廟九曲城菩提院真覺院法濟院妙因院寶嚴院會潤寺玉壺園望湖樓賈府上船亭謝府新園擇勝園隱秀

園並廢○錢武肅王廟王名鏐臨安石鑑鄉人驍勇有智畧壯而微販鹽自活唐僖宗時王僊芝寇兩浙命都將董昌討鎮之鏐屬昌部平朱直拒黃巢斬劉漢宏累功拜杭州刺史擒薛明破徐福加防禦使進蘇杭等州觀察使新作杭城自秦望山由夾城東亘江干泊錢唐湖霍山范浦凡七十里進鎮海軍節度使封開國公會董昌反越州鏐受詔討滅之進彭城郡王加中書令圖形凌烟閣名其營曰衣錦營封其山曰衣錦山改封越王再改吳王梁開平初進封吳

越王築捍海塘建候潮通江等門時江濤怒噬
命強弩數百射之濤爲斂却還擊西陵尋授天
下兵馬都元帥後唐同光初賜王冊金印長興
二年卒年八十三謚武肅爲孝善撫士卒臨政
勤警無倦容當中原繹騷而保鎮疆域民甚德
之五傳至忠懿王俶當宋太祖受命時納土子
孫代爲顯官○九曲城有五聖廟蘇漢臣畫壁
○菩提院本錢惟演別墅也捨以爲寺有白蓮
綠野等堂碧玉四觀披瀝等軒南漪迎薰滄心
涵碧玉壺雪纒偷等亭後併入昭慶寺周紫芝

菩提小軒晚晴詩杭穎雌雄本自殊淡粧濃抹
是吾姝滿傾漲玉千鍾酒來看鎔銀百頃湖白
鳥去邊山溪黛綠蒲疎處雨跳珠不知好事王
摩詰貌得西山落照無○真覺院卽隱淨庵○
法濟院舊名觀音院有明軒爽軒○妙因院卽
慈光庵○寶巖院俗呼九曲院○普潤寺宋淳
熙初建元末燬○玉壺園宋理宗時御園也本
鄜王劉琦別業後屬官家林亭幽雅長夏森寒
張與詩林亭絕幽絕長夏綠雲香明月出山小
白蓮承露

壺內渾虛世世望湖樓在昭慶寺前錢王
所作一名先得樓有閣詩望湖樓上立竟日懶
思還聽水分他里云雲濕別山孤舟依岫靜獨
鳥向人間回首重門閉蛙聲夕照間蘇子瞻詩
黑雲翻墨未遮山白雨跳珠亂入船卷地風來
忽吹散望湖樓下水如天放生負蟹逐人來無
主荷花到處開水枕能令山俯仰風船解與月
徘徊未成小隱成中隱可得長閒勝暫閒我本
無家更安住故鄉無此好江山王介甫詩水光
山氣碧浮浮落日將歸又少留從此秬應長入

楊思

夢夢中還與故人遊○謝府新園故甘氏園也
爲太后別墅在惠照齋宮西有道院村庄水閣
一碧萬頃眉壽等堂湖山清觀歇涼等亭備華
極邃架亭湖中每元夕亭館皆垂水晶簾放燈
上下暉映金碧奪目士女縱觀往往得遺簪墜
珥元時元帥夏若水據有之○擇勝園在九曲
城下宋秀王別墅理宗御書擇勝愛聞二扁○
隱秀園劉麴王別墅

折而西過溜水橋爲昭慶律寺

溜水橋洩湖水以入下湖可通新河壩

昭慶律寺晉天福間吳越王建宋乾德二年重修
太平興國三年建戒壇於寺中每歲二月三日
海內縉流雲集於此推其長老能通五宗諸典
者登壇說法敷陳具戒其徒跪而聽之各曰受
戒至今行之天禧初有圓厚法師學廬山慧遠
結白蓮社縉紳之士與會者二十餘人運使孫
何爲之記南渡後以其地爲策選鋒軍教場尋
復爲寺元末燬 皇明洪武間重建成化間燬
雲水僧廣慎復營之宋陳堯佐詩湖邊山影裏
靜景與僧分一榻坐臨水片心閒對雲樹寒時

落葉鷗散忽成羣莫問紅塵事林間肯暫聞○
王元之詩夢幻吾身是偶然勞生四十又三年
任誇西掖吟紅葉何似東林種白蓮入定雪龕
燈焰直講經霜殿磬聲圓謫官不得餘杭郡空
寄高僧結社篇

昭慶寺之比爲慶忌塔

慶忌塔者春秋時吳王闔閭既弒王僚僚子慶忌
奔衛闔閭忌之謀諸伍員員進細人要離俾之
行刺要離者細而寡力迎風則僵負風則伏王
語以慶忌之勇謂其下如也要離曰臣能殺之

臣詐以負罪出奔願王戮臣妻子斷臣右手慶
忌必信臣矣王從之要離乃詐奔諸侯宣怨于
路遂如衛見慶忌言闔閭無道願因王子之勇
可得也慶忌信之棟練士卒與還襲吳渡江要
離坐於上風因風之勢以矛鈎其冠順風而刺
慶忌死葬於此其地在宋爲豐儲倉前有石池
深不可測宋咸淳六年七月池水壁立浮莖登
木蕩突久之或云中有一大龜數百年者故興妖
如此又時有怪物出水若鐵棺然

自昭慶寺而西過石函橋爲放生亭

石函橋唐刺史李泌建有水閘泄湖水以入下湖
沿東西馬塍羊角埭至歸錦橋凡四派白樂天
記畧云北有石函南有筧決湖水一寸可溉田
十五餘頃每一復時可溉五十餘頃其去郡別
州民詩云耆老遮歸路壺漿滿別筵甘棠無一
樹那得淚潸然稅重多貧戶農飢足旱田惟留
一湖水與汝救荒年

放生亭在寶石山麓宋天禧四年王欽若請以西
湖爲放生池禁民採捕郡守王隨爲之記有碑
存焉慶元四年趙師彞建德生堂飛泳亭於橋

西華志卷之六
七
畔理宗御書並廢

又北過羊坊橋小溜水橋為靈衛廟

羊坊橋宋時滌羊之所也有酒庫瓦子在焉其西為古柳林

小溜水橋俗稱水磨頭其下為棕毛場

靈衛廟宋建炎三年金酋完顏宗弼犯臨安郡守康允之退保赭山錢唐令朱蹕鳩鄉兵二千邀擊之力戰死尉將金勝祝威復集凋兵據葛嶺編竹覆泥為大途以誘賊賊騎馳至蹶躓而路仆者鱗疊橫屍山委金人大駭遁赤山得奸細

為導由南壁入勝威被執死之郡人感其忠節以馬革裹屍駢塋雲洞之右立祠祀之後人并以祀蹕淳祐間賜廟額曰靈衛至今人稱金祝廟者從始建意也每歲七月一日守臣致祭蓋金公誕辰云

石函橋之北舊有趙郭園水丘園梅岡園聚秀園錢氏園張氏園王氏園萬花小隱園竹所雲洞園瑤池園錢唐縣尉司寶勝院洞明庵精進院延慶院澄寂院並廢○梅岡園者宋韓蘄王別業也廣一百三十畝有樂靜堂清風軒皆高宗

御書水閣梅坡芙蓉堆花竹輝映皆聚景之所
四時可遊吳立夫花園老卒歌斬王手種紅錦
花十載不掛鐵鏹鍛花園老卒守花樹睡着花
磚聞曙雅白頭白盡身無事古塞沙塵戰餘騎
多士如雲足健兒一奇在腹終憔悴青銅萬緡
滿地光寶函矯節賜夷王宮粧粉豔去酣酒海
貨珠琛歸壓檣王家舍兒驚吐舌御府珊瑚碎
飛雪口猶乳臭却帳前覆鏃一翁嗟棄捐君不
見天下英雄本奴虜左鼻成龍右鼻虎頸血淋
漓思曩鼓史傳沉埋誰比數花落花開幾風雨

○雲洞園者楊和王別業也培上爲洞屈曲通
行圖畫雲氣其傍有麗春臺青石爲坡不斷礮
齒春時令麗人歌舞爲戲得上坡者受賞園內
有萬景天全方壺瀟碧天機雲錦紫翠間濯纓
五色雲等亭榭玉龍玲瓏金粟天砌等臺洞戶
牖輝煌花木蟠鬱窮極麗雅盛時凡用園丁四
十餘人監園使二人洞後有天龍庵嘉定間惠
開法師建○瑤池園中貴呂氏外宅也池週二
里植菱芰池側有寶勝院○錢唐縣尉司相傳
爲王子高故居宋隆興間建時宇內承平茲邑

特繁麗仁宗常覽西湖圖嘆曰真僊尉也遂建
真僊亭蘇子瞻常率賓僚遊焉建英遊閣林和
靖訪謝尉賦秋水芙蓉詩建詠物樓○洞明庵
咸淳中朱端卿捨宅建○精進院舊名儲修晉
開運間建○延慶院舊名興化寺○澄寂院近
桃花街口

過石函橋而西爲寶石山崇壽禪寺寶所塔壽星石
石屏風獅子峰屯霞石看松臺落星石乳泉井一勺
泉天然圖書閣

寶石山本名巨石山高六十三丈周一十三里錢

王封爲壽星寶石山羅隱爲之記其下爲寶穆
山山下有乳泉佛足泉其絕頂爲寶峰

崇壽禪寺吳越王之臣吳廷爽者請東陽善導和
尚舍利建塔於山巔附以佛廬宋開寶初賜額
曰崇壽院洪武初有高僧慧炬出家院中明天
台教時江濤大溢炬說法洒淨水止之隄賴以
不圯杭人稱炬菩薩云

寶所塔延建九級尋崩咸平中僧永保以目眚
募緣十年始復其舊目光如故保有戒行人呼
師叔遂稱保叔塔也塔門舊有張卽之書湖山

勝槩四字今移置淨慈寺閣元延祐中院塔俱燬僧可周建至正末又燬僧慧炬重建至七級而止 皇明成化間燬弘治間僧可勝重建一夕大雷擊死遊僧三人大蛇一條重五十觔腹中白子數十枚塔漸崩廢正德九年僧文鏞重建又築西方殿於塔後挹涼亭於山下嘉靖元年塔燬二十二年僧永果重建永果山西人有飛行募緣多助咸稱老山西又有全真號浪滔滔者亦與協力故能飾復舊美錢思復詩金刹天開畫鐵簷風語鈴野雲秋共白江樹晚逾青

鑿窟巖藏雨黏崖石隊音星下看湖上客歌吹正沉冥

壽星石舊名落星石錢王改今名一在塔後一在看松臺下各大數十圍塊然無根望之如斲

石屏風獅子峰皆以形似名之石屏風下舊有石屏院獅子峰一名巾子峰林和靖詩巾子山頭烏白木微霜未落葉先紅者是也

屯霞石色赭如霞介立岬畔

看松臺去寺左百步所俯臨巨壑凌駕松杪松下有石圓如响星施儒詩茲山亦何奇而喜遊人

少我本烟霞徒一丘願終老王顥詩樹蓋珠林
勝花開翠壁妍清秋一舒嚙畫裏看詩僊
亂泉井去看松臺百步所泉白而甘

一勺泉在崇壽院右壁太僕丞張瑛名之詩云絕
頂盤峰秀蛟龍擁地蓮塔樓南斗下僧開劫灰
年鬼斧摧堅石神功琢湧泉派疑銀漢瀉溜訝
王龍穿沉瀝雲根滿分明琬琰鑄一泓通海眼
孤浸立山巔正正華沉月滄滄碧黠天味翻流
乳滑軟洩濺珠圓魚躍金梭見虹垂寶帶懸洗
甌僧淪茗供佛客擎錢幾許詩脾沁徒為俗慮

牽靜焉仁者學湛者定心禪渴想斟瓢飲酣宜
漱石眠何人識恬淡終日愛潺湲莫怪頻來此
煩痼頓覺捐

天然圖畫閣在寺右一勺泉之陽少師夏公謹詩
客到西湖上春遊尚及時石門深歷險山閣靜
憑危午寺鳴鐘亂風湖去舫遲清樽歡不極醉
筆更題詩

崇壽院前舊有金牛護法院巾子峰前有金輪梵
天院金廢

寶石山麓為大佛禪寺沁雪泉

西清卷之八
十一
大石佛舊傳為秦始皇纜船石宋宣和中僧思淨者當兒時見之作念曰異日出家當鑄此石為佛及長為僧妙行寺遂鑄石為半身佛像飾以黃金構殿覆之遂名為大石佛院元至元間院燬佛像亦剝落 皇明永樂間僧志琳重建勅賜為大佛禪寺弘治四年僧永安重修寺畔有塔俗稱壺瓶塔乃元時西河僧所建張輿詩葛儻嶺西大石頭祖龍來來曾繫舟不聞登僊入蓬島徒見作佛如嘉州地湧半身雲承繞山開一面金碧浮幾回劫火燒不盡空對湖山飛

白鷗○吳立夫詩手撫一片石昔為滄海濱
皇或繫纜萬里浩無津世間本妖妄何處有眞蓬萊不可到弱水空飄輪徐生或云去方士先避秦童男繼童女五穀雜貨珍島嶼止不返蛟龍化其民非惟長年藥永隔戰馬塵人君却未悟堽堽轉東巡山鬼覺將死海魚祠作神侯生奉圖籙議諫極所陳驪山闕是鴈金柅竟沉淪借茲墜不遂遺蹟留千春經營大屋覆刻斷青蓮身漢唐戮英主覆轍猶爾遵我恐石有語神僊多誤人

沁雪泉在佛身右壁棠陵方思道題

寺畔舊有相巖院冠勝軒西有水月園大吳園小
吳園嘉澤廟孫花翁墓並廢○相巖院晉天福
二年錢氏建有十三間樓樓上貯三才佛一尊
蘇子瞻治郡時常判事於此○水月園高宗以
賜楊和王存中者御書水月扁孝宗朝更賜秀
王伯圭有水月瀛玉林堂俯挹澄湖萬柳成幕
燕遊者多集焉○嘉澤廟即水僊祠梁大同間
建以奉錢唐湖龍君錢鏐碑記宋時移建於蘇
堤○孫花翁墓翁名惟信字季蕃仕宋光宗時

棄官隱西湖工爲長短句好藝花卉自號花翁
家徒壁立無旦夕之儲彈琴讀書晏如也既卒
安撫趙與篋葬之墓近水僊王廟仇仁近詩水
僊分地葬詩人一片荒山野火焚薦菊有亭今
作圃掃松無子謾留墳蝸牛負殼粘碑石老鶴
携雛入隴雲欲把管絃歌楚些却憐度曲不如
君

又西爲智果禪寺參寥泉

智果寺舊在孤山吳越王所建宋紹興間徙築於
此先是蘇子瞻守杭州與智果院禪師參寥子

善名其所居泉曰參寥泉哥既徙北山有泉適
出寺後好事者乃名參寥泉以志舊蹟元末燬
皇明洪武初僧可祥惠炬重建其梁題云元祐
五年歲在庚子二月辛卯朔二十五日乙卯上
梁蓋子瞻手書曰孤山移置者○張光弼詩佳
遊在上已屬此清明前春景已云暮風光猶未
暄往尋智果寺竟得參寥泉景物豈殊昔人世
自更遷邈哉長公詠風流想當年我輩復登臨
化界何因緣古佛儼香閣真詮續華軒境超萬
念空道勝諸妄捐緬懷此會難徘徊未云還申

章續芳藻冀或來者傳○吳立夫八詩古寺湖水
上寺門但菰蒲一泉湛如玉巖石旱不枯粵從
參寥鑿得與蓋壤俱東坡或茗女西嶺猶松竿
人誰問詩侶世頗笑酪奴瓦甃繼然在木瓢知
已無汲水宜汲深塵心非轆轤別禪勝別味俗
舌空醍醐老僧久不識香地冷宿盂卓哉邵太
守遺像擁眉鬚間來試我酌霧雨變須臾尚持
金芙蓉便踏赤鯁魚

又西爲顯功廟

顯功廟祀宋布衣岳瑀瑀錢唐霍山人建炎三年

冬完顏宗弼由獨松關犯杭州守臣遁於赭山
琚乃捐家資以充軍餉推錢唐令朱蹕為謀主
金祝二尉為先鋒卒死士誘虜由西溪並天竺
東來斬葛嶺編竹覆泥以陷之虜後寇城西琚
力戰死焉郡人感之為請於朝立祠於此

又西為錦塢初陽臺紫陽書院葛翁井

錦塢在寶雲山東宋時此地花卉燦然若錦故名
初陽臺在山巔葛僊翁修真時吸日月精華於此
宜遠眺清曉烟消日出海底炯然奇觀楊
仲弘詩彩雲相羃羃華露共嬋娟在水渾疑墮

當空孰使懸潛亂精魄動宿鶴羽毛鮮寂寂丹
臺夜相從訝得僊○丹臺欲上路盤盤秋月圓
時正好觀已作高亭凌岸巖豈辭深夜倚欄干
雲封大壑蛟龍睡露下蒼林翡翠寒下顧塵寰
悲迫阨致身何止在雲端○張伯雨詩初陽臺
上新亭好一曲笙簧石壁開驚起玄真狂道士
步虛飛下玉清臺

紫陽書院祀紫陽先生也蓋先生提舉浙東時有
大惠政於法得祀潘景屢加修葺有崇道堂初
陽山房浴日泉瑪瑙坡寶雲茶塢諸勝

葛翁井去智果寺西南上方下圓相傳葛稚川投
丹之所今在馬氏園宣德間大旱甃而涸之得
石匣一石甕四匝固不可啓甕中有丸藥若莢
嚼之絕無臭味乃棄之施漁翁獨嚼一枚後年
百有六歲井遂淤惡不可食以匣投之其測如
故張伯雨詩一宿葛翁丹井上化爲蝴蝶夢魂
清湖田涼蛤四散吠烟寺曉鐘相通鳴孤嶼橫
陳爲王凡初陽煥爛似霞城拏舟又入水雲去
還我風篁雪竇聲○葛洪井上訪真居一飲丹
泉足自如拂袖莫嫌狂散甚子非知我我知魚

錦塢西舊有晉安院治平寺王清宮雲巢樓並

○治平寺初名錦塢庵僧法聰建有烟雲閣○
王清宮宋紹定初建理宗御書扁元至正末燬
趙達夫白珽鮮于樞聯句二首湖田漠漠水禽
飛達夫堤柳斜斜帶夕暉樞二月江南好天氣
珽初陽臺上愜春衣樞巾子峰頭艤釣船達夫
初陽臺上坐鳴鶴出雲高樹明殘日珽過雨蒼
苔泣細泉絕俗誰能繼返躡樞凌空我欲學飛
僊達夫還家正恐鄉人問珽化鶴重來知幾年
樞○雲巢樓在王清宮內張伯雨詩初陽臺上

白雲多雲裏層層玉樹歌悵息一枝綠未穩飛
翻千仞柰危何雨中暮燕雷驚起峰頂笙鸞月
送過好在丹梯無百尺屋頭看盡白鷗波

又西爲寶雲山瑪瑙講寺後僕夫泉

瑪瑙講寺故名瑪瑙寶勝院在孤山晉開運三年
錢氏建宋大中祥符間高僧智圓重修紹興間
徙築於此元末燬

皇明永樂間重建陟山
之巔石磴數百級有閣凌空特起憑眺最勝俗
稱瑪瑙山居者是也陳論詩雨霽佛屋明苔徑
深曲折樹搖高露驚草密暗泉咽前林或清

烟燈遠欲滅寄謝塵中人與君從此別

後僕夫泉元僧芳洲所鑿也先是智圓居孤山有
僕夫藝竹得泉遂號僕夫泉後徙寺茲山藉葛
井以汲寺僧難之芳洲鑿地得此遂名後僕夫
泉

寺西宋有養樂園半春園小隱園瓊華園寶雲庵
並廢○養樂園賈似道別墅也內有光祿閣春
雨觀嘉生堂生意生物之府似道既敗有人題
其壁曰老壑曾居萬嶺西遊人誰敢問蘇堤勢
將覆餗不回首事到出師方噬臍廢圃更無人

作主貶垣惟有客留題等來祇是孤山耐依舊
梅花伴月低蓋似道嘗往園中有遊騎過門者
輒爲偵事者檢八有官者黜有財者籍其妾兄
闕瞰亦縛投火中○半春小隱瓊華皆史彌遠
別墅也臺榭工麗在在殊宜○寶雲庵宋乾德
二年吳越王建名千光王寺雍熙二年改今額
寶慶間爲邳王攢所元至正末燬內有靈泉井
月窟澄心閣南隱堂妙思堂蘇子瞻次寶雲僧
仲殊雪中遊湖韻詩寶雲樓閣闌干門林靜初
無一鳥喧閉戶莫教風掃地捲簾疑有月臨軒

水光瀲灩猶浮碧山色空濛已歛昏乞得湯休

奇絕句始知鹽絮是陳言

又西爲葛嶺葛僊翁墓

葛嶺上有葛僊翁墓其洪字稚川晉時人博聞深
洽江左絕倫好神僊導養之術見高士郭文舉
於大滌山中觀德而悟道結廬西湖修真著書
號抱朴子嶺上有甘露泉梅泉薩天錫詩煉丹
僊子渺茫間一夕乘風去不還火冷爐頭灰已
盡雲封洞口嶺長出千羊瑞氣生瑤草夜半天
風響佩環真境空明自今古烟塵依舊隔瀛寰

○吳立夫登初陽臺謁抱朴子墓詩人生擾擾
間頗覺天地窄我憶抱朴子高臺睨空碧初陽
出山上照破萬古石丹光動鼎鑪霧氣浮冠舄
遺書上下卷道妙或黃白老衰及病瘦辛苦爲
形役豈伊鸞鳳姿終以狐兔宅尸解本無形空
飛寧復蹟郭君曾有傳勾漏恍所歷降子倘可
問稚川特木隔幽林來魍魎缺井守蜥蜴神僊
果河人海嶽長戲劇世傳老聃死吾謂方朔謫
虛墳誰所爲怪樹獨悲激滿前湖與山秋色落
几席因茲此三爾魂目送天邊翮

新刊

嶺上舊有招賢寺嶺下有集芳園壽星院善住閣
香月隣挹秀園秀野園趙紫芝墓並廢○招賢
寺唐德宗時郡人吳元卿爲六官內使棄官學
道結庵山中開運三年錢氏改建爲寺有尉遲
恭井蒙泉東坡書扁白樂天紫陽花詩序云招
賢寺有山花一樹色紫氣香芳麗可愛頗類僊
物而人無識者因以紫陽花名之詩云何年植
向僊壇上早晚移栽到梵家雖在人間人不識
與君名作紫陽花○集芳園故張婉儀別墅也
紹興間收屬官家藻飾益麗有蟠翠雪香翠岩

倚綉挹露王蓋清勝諸扁皆高宗御題淳祐間
理宗以賜賈似道改名後樂園樓閣林泉幽暢
咸極古木壽藤多南渡以前所植者積翠迴抱
仰不見日架廊疊磴幽渺逶迤隧地通道抗以
石梁傍透湖濱飛樓層臺涼亭燠館華邃精妙
前挹孤山後據葛嶺兩橋映帶一水橫穿各隨
地勢以構築焉理宗為書西湖一曲奇勛扁度
宗為書秋壑遂初容堂扁又有初陽精舍慈暈室
熙然臺無邊風月見天地心琳琅步歸舟甘露
井諸勝元大德初僧滿月即其址建福地院趙

子昂為之記至正末燬林景熙詩當年構華居
權燄傾衛霍地力窮斧斤天章煥丹雘花石擬
平泉川途致茲壑唯聞心相噴那後天下樂我
來陵谷餘山意已蕭索蒼生墮巔崖國破身誰
託空悲上蔡犬不返華亭鶴丈夫保軼名風采
照麟閣胡為一聲鉦聚鐵鑄此錯回首草萊碑
荒烟掩餘作○壽院有孟泉靈泉寒碧軒此
君軒平秀軒垂雲堂即遂堂堂上有閣曰江湖
偉觀安撫趙與魯建蘇子瞻守杭日常遊焉入
門即悟前身曾到歷代既後巖閣山石之名無

一遺謬故湖中詩詠然此居多其次周長官韻
詩瑠璃百頃木僊家蠶靜湖響釣車寂歷踈
松歌晚照伶俜寒蝶抱秋花窮眠不覺依蒲褐
歸路相將踏桂華更著綸巾披鶴氅他年應作
畫圖誇○寒碧軒詩清風蕭蕭搖牕扉牕前修
竹一尺圍紛紛蒼雪落夏簾冉冉綠霧沾人衣
日高山蟬抱葉響人靜翠羽穿林飛道人絕粒
對寒碧爲問鶴骨何緣肥○垂雲亭僧清順作
子瞻詩云江山雖有餘亭榭若難穩登臨不得
要萬象各偃蹇惜哉垂雲軒此地得何晚大功

爭向背詩眼巧增損路窮朱欄出山破石壁
海門浸坤軸湖尾抱雲巘葱蔥城郭麗淡淡烟
村遠紛紛鳥鵲去一一漁樵返雄觀快新獲微
景收昔道道人真古人嘯味慕嵇阮空齋卧蒲
褐芒屨毋自捆天憐詩人窮乞與供詩本我詩
久不作荒澁旋鋤翠從君覓佳句咀嚼廢朝飲
○此君軒詩卧聽澗水碎龍鱗俯看蒼蒼王立
身一舸鷗夷江海去尚餘君了六千人○車王
峰明遠堂詩十年不向此凭欄京象依然一壘
間龍蜃吐雲天入水樓臺剩影口啣山僧于僻

寺難為隱人在扁舟未是閒孤鶴似尋和靖宅
盤空飛下復飛還○朱繼芳江湖偉觀詩吳山
表裏水為池百有餘年壯帝居天目遠將雙鳳
落海門近拱六龍飛霄濤白雪上秋思太乙紅
雲駐夕暉江上沙鷗湖上舫柳邊風裏兩依依
○善住閣運使瞿拱捨宅建有山中四時亭安
樂窩○香月隣廖瑩中園後併於似道○挹秀
園楊駙馬別墅○秀野園劉鄜王琦別墅有四
弁堂○趙紫芝墓趙師秀温州人工詩有集萃
塋於此劉後村吊詩有盡出香分妓惟留硯付

兒之句蓋亦宕逸之士也

其前為四聖延祥觀竹閣

四聖延祥觀舊在孤山宋高宗為康王時常使于
金夜見四巨人執仗衛行詢之方士云紫微有
大將四名曰天蓬天猷翊聖真武王心異之及
卽位乃建觀祀之卽今六一泉地是也元初楊
璉真伽改于武林門外至正間再遷葛嶺

竹閣舊在孤山寺中白樂天所作杭人因以祀公
宋時徙建於北山報恩院故稱竹閣寺黃宜山
詩移自孤山占此山荒涼老屋萬琅玕櫻桃楊

柳空花夢千古清風滿閣寒今其地爲杭妓沈氏園嘉靖二十四年沈氏法當私太守陳公一貫欲改祠宇以祀楊公孟瑛士論以妓室不可棲郡長陳公患之時客有說公者曰何不還以祀白公也白公守杭時勤民敏政操履清白然雅好躋攀屬意聲妓去郡數載猶有沉紅昵綠之思故其詩云故妓數人憑問訊新詩兩首倩流傳意趣所鍾生死一致奉以妥神似無不可况又仍其故地乎陳公然之遂扁其堂曰竹閣門曰玄關從公詩所謂無勞別修道只此是

玄關也近廢爲六橋草堂少卿徐江山別業又西爲虎頭巖嘉德永壽講寺

虎頭巖山形突出若虎頭然吳越王盛時望氣者云杭州有王氣藝祖命鑿之今斷落矣巖下宋有儀王墓顯明寺儀王仲湜宋宗室也當靖康時徽欽北駕六軍欲擁王而立之王堅拒不從曰自有真王六軍遂約王踰月真主不出則王當大位王陽許之未幾高宗卽位於應天王難關詣行在命爲濮王後常自贊其容曰性比山麋貌同野叟皓月清風良朋益友湛然靈臺確

乎不朽薨後塋於此其子孫視諸藩爲盛人以爲積善之報云

嘉德永壽講寺宋理宗時秦國夫人毛氏者皇后母也旣老結庵於此就塋焉卽庵爲寺有芝產墓側因名芝巖前有放生池翔泳堂幻隱洞寶粧閣東有寶巖院垂雲亭借竹軒西有定業院環峰堂龔惠軒神僊宮靈耀觀並廢白廷玉翔泳堂酒中詩環辭度得雪兒歌濃墨斜書碧玉柯醉折芙蓉薰酒盞囊湖涼似外湖多

又西爲鳳林禪寺君子泉

鳳林寺俗呼喜鵲寺唐長慶初禪師圓脩居此四十餘年棲白石松上有鵲構巢其傍人遂呼爲鳥窠禪師白樂天守杭州時常往參之曰太師居處其險禪師曰太守險樂天曰弟子位鎮山河何險之有禪師曰心火相構識浪不停得非險乎樂天服之宣德間僧如月重建初名鳳林寺圓修骨塔存焉僧來復詩寶網金幢變劫及瞿曇寺裏盡蒿萊鳥窠無樹出夔池不見談禪太傳來

君子泉本在定業院中亦鳥窠禪師道場也院廢

而泉湮後人遂勒石于此寒冽而深會爲方沼可冰鮮焉

寺右舊有快活園水竹院落仁壽庵並廢○快活園趙婉容別墅○水竹院落賈似道離亭在西泠橋南左挾孤山右帶蘇堤波光萬頃與闌檻相值騁快絕倫內有奎文閣秋水觀思刻亭

西湖遊覽志第八卷終

西湖遊覽志第九卷

錢唐田 汝成 輯撰

北山勝蹟

葛嶺之西爲履泰山棲霞嶺桃溪棲霞洞紫雲洞牛皐墓妙智庵

棲霞嶺上桃花爛燦色如凝霞其北有古劔關蓋左寶雲右儒姑兩山夾峙若劔門然宋立巡司于此有水一道名桃溪經岳墳前入湖嶺西爲烏石塢

棲霞洞在妙智庵左地多怪石隱翳榛莽中賈似

道壘而異之命施畚耒倏見竒遂乃杖藜剔幽
爲亭曰暢曰鑰俗入其中空然如夏屋雙石相
倚爲門闕風從南來豁豁出寒骨凄神不可
久竚故暑遊最勝石甍小臺突然坎中衡二石
下達於坻仰視左竇四五通明大者圓徑丈許
有水洞深不可測頃者惡僧以遊人之多塞兌
垢徑僅餘丈尺耳

紫雲洞在嶺巔去妙智庵數百步許倚空如懸陰
涼徹骨

牛皐墓在劔門關畔皐字伯遠汝州魯山人爲岳

武穆部將累立戰功轉寧國軍承宣使紹興十
七年上巳日都統制田師中大會諸將皐遇毒
亟歸語所親曰皐年六十一官至侍從卽死無
恨所恨者南北通和不以馬革裹屍顧死牖下
耳明日卒或言秦檜使師中毒皐云景定初追
封輔文侯

妙智庵卽牛皐香火院嶺北有金鼓洞昔人伐石
其間聞金鼓下作乃止

嶺下有處士仇仁近員外郎張光弼墓並廢○仁
近名遠錢唐人宋咸淳名士宋亡落魄江湖元

初辟溧陽州學正未幾隱去工詩文所著有山村集洪武初祠於府學鄉賢祠錢思復挽詩詩窮八十年江海正凄然王塵風生頰青山雪滿巔門墻張籍俊墓表孟郊賢出處人皆識哀歌徹九泉張仲舉詩前輩凋零盡南陽有古阡詩應傳四海酒不到黃泉槐國真成夢桃園亦是僊松根一掬淚慘淡墮風烟○張光弼廬陵人仕元為浙省左司員外郎罷官居花市遊遊湖山累月不返有詩名所著有左司集其詩云但教懷抱能傾倒莫向尊罍計有無不為詩僧三

竺寺肯乘烟艇過西湖酒館湖船盡有名玉杯時得肆閒情至今人說張員外不是看花不入城

嶺下為岳武穆王墓翊忠祠分屍檜流芳亭

岳武穆王墓王名飛字鵬舉相州湯陰人少負氣節沉毅寡言有神力未冠視弓三百觔弩八石宋高宗時以戰伐功歷官都統屢陳恢復大計高宗慮欽宗之返而懼已出陽獎而陰憾之丞相秦檜揣知帝旨遂力主和議會兀朮寇拱宸詔飛往援金人大敗追及朱僊鎮中原響應謂

其部下曰直抵黃龍與君痛飲耳方指日渡河而檜欲割淮以北棄之乃召張俊楊沂中先歸言飛孤軍不可久留以金牌十二召之班師飛憤惋泣東向拜曰十年之力壞于一日矣明年兀朮寇淮西張俊畏敵不敢進詔飛往援兀朮遁俊忌之飛遂力請解兵柄會兀朮遣檜書言飛不死和議終不成檜乃諷臺臣何鑄羅汝楫等交章論飛言金人攻淮西飛至舒蘄而不進與張俊按兵淮上又欲棄山陽而不守張俊又劫王俊誣飛令張憲岳雲通書協謀冀以

柄還飛檜遣使捕飛父子下獄今諫議大夫万俟卨鞫成之會歲暮獄無佐證檜一日獨居書室食棋玩皮若有患者其妻王氏窺咲曰老漢一何無決擒虎易縱虎難也檜卒然當心致片紙獄中即日報飛死矣蓋指殺之年三十九雲憲皆棄市獄卒隗順負飛屍踰城至九曲龍祠潛瘞之以王環殉樹雙檟識焉紹興末金人益猖獗太學生程宏圖訟飛寃詔還飛宗屬徙邊者孝宗詔復飛官謚武穆改葬於棲霞嶺雲祔其傍廢智果院為祠賜額曰褒忠衍福寺墓上

之木皆南向蓋英靈之感也嘉定四年封鄂王
宋亡寺廢王之六世孫在江州者名士迪與宜
興岳氏通譜合力起之未幾復廢至元間天台
僧可觀者訴于官鄭明德爲作疏語云竊念故
宋贈太師武穆岳鄂王忠孝絕人功名蓋世方
畧如霍嫫媼不逢漢武徒結志於忘家意氣如
祖豫州乃遇晉元空誓言於擊楫賜墓田棲霞
嶺下建祀祠秋水觀西落日鼓鐘長爲聲寃於
草木空山香火猶將薦爽於淵泉豈期破蕩子
孫盡壞久長規制典補田墮佛宇春秋無所忝

嘗寒墓道毀神棲風雨遂頽廟貌鴟鵂夜啼拱
木躑躅春開斷垣淚落路人事關世教蓋忠臣
烈士每詔條有致祭之文豈狂子野僧撓國典
出募緣之疏望明有司告之臺省冀聖天子錫
之珪璋褒忠義在天之靈激死生爲臣之勸周
武封比于墓事著遺經唐宗建白起祠恩覃異
代疏成杭州經歷李全慨然重興之廟塑王像
以其子雲雷震霖霽耐焉後作燕寢像王父母
及王夫人與王之女號銀瓶娘子者尋燬雲飛
養子也每立奇功飛輒隱之能握鐵椎重八十

斤死年二十三霖子珂嘉定間作顯天辯誣錄
天定錄程史金陀粹編飛事愈白廟中有石刻
飛詩詞二首送紫岩張先生北伐詩云號令風
霆迅天聲動北陬長驅渡河洛直擣向燕幽馬
蹀闕氏血旗臬可汗頭歸來報明主恢復舊神
州其詞云怒髮衝冠凭欄處瀟瀟雨歇擡望眼
仰天長嘯壯懷激烈三十功名塵與土八千里
路雲和月莫等閒白了少年頭空悲切靖康耻
猶未雪臣子恨何時滅駕長車踏破賀蘭山缺
壯志饑餐胡虜肉笑談渴飲匈奴血待從頭收

拾舊山河朝大闕

皇明初勅建其祠有司

春秋致祭弘治間叅政周本得其裔孫於衢州
召令世守之太監麥秀重建殿寢雲所用鐵鎗
猶存正德八年都指揮李隆鑄銅爲秦檜王氏
万俟卨三像反接跪露臺十二年太監王堂塑
王父母妻子女諸像扁曰一門忠孝古今昂其
墓者詩已成集畧掇其著者葉紹翁詩萬古知
心只老天英雄堪恨復堪憐如公少緩須臾死
此虜安能八十年漠漠凝塵空偃月堂堂遺像
在凌烟早知埋骨西湖路悔不鴟夷理釣船○

林弓寮詩天意只如此將軍足可傷忠無身報
主冤有骨封王苔雨樓墻暗花風廟路香沉思
百年事揮淚對斜陽○趙子昂詩岳王墳上草
離離秋日荒涼石獸危南渡君臣輕社稷中原
父老望旌旄英雄已死嗟何及天下中分遂不
支莫向西湖歌此曲水光山色不勝悲○高則
誠詩莫向中原嘆黍離英雄生死係安危內庭
忽下班師詔絕漠全收大將旗父子一門甘伏
節山河萬里竟分支孤臣尚有埋身地二帝遊
魂更可悲○潘子素詩海門寒日澹無輝偃月

堂深書漏遲萬竈貔貅江上老兩宮環珮夢中
歸內園羯鼓催花發小殿珠簾看雪飛不道帳
前胡旋舞有人行酒著青衣○林清源詩誰收
將晉堊西湖已卜他年必沼吳孤冢有人來下
馬六陵無樹可棲烏廟堂短計慚嫠婦宇宙惟
公是丈夫往事重觀如敗局一龕燈火屬浮屠
○徐孟岳詩童大王歸事已離岳將軍死勢尤
危直教萬歲山頭雀去遶黃龍塞上旗飲馬徒
聞腥鞏洛洗兵無復望條支湖邊一把摧殘骨
蓋世功名百世悲○高季迪詩大樹無枝向此

風千年遺恨泣英雄班師詔已成三殿射虜書
猶說兩宮每憶尚方誰請劍空嗟高廟自藏弓
棲霞嶺上今回首不見諸陵白露中○陶九成
詩精忠祠宇西湖上再拜荒墳感昔遊斷碣草
深蒙曩屨空山日落叫鈞輶運移宋祚難恢復
帝幸燕雲困虜囚逆檜陰圖傾大業昭陵無意
問神州偷安甫遂邗家志飲痛甘忘父母讎信
使北和憐屈膝策文南駐忍含羞兩宮五國瞻
征幟丹詔班師下節樓萬里長城直自壞中興
武績遂云休嗚乎竟死姦邪手顛沛誰為社稷

憂黯黯冤魂遊狴犴紛紛雨淚泣貌貅唯餘滿
地萋弘血不見中流祖述舟氛莖已塵金匱匣
冕旒終換鐵兜鍪姓名竹帛書千載父子英雄
土一丘老樹尚知朝禹穴遺黎總解說王猷復
田起廢憐僧寺移檄褒嘉顛省侯聖世卽今崇
祀典竹看寵渥到松楸

翊忠祠以祀劉允升施全者允升建州布衣士也
聞岳武穆下被逮詣闕上書訟其冤秦檜大怒
下棘寺論死全殿前司小校也憤秦檜主和議
誤國挾小製之不中彼擒磔於市弘治二年工

部主事莆田林新建祠祀之四年按察使楊俊

副使吳伯通等重拓大之題其祠曰羽忠

分屍檜在墓前天順間杭州同知馬偉鋸而植之
首尾異處以示磔屍狀至今猶活前有石壁書
盡忠報國四字每字方五尺餘

流芳亭在墓西有石刻王像存焉其贊曰惟武穆
王天錫勇智氣吞強胡力扶宋季桓桓師旅元
戎是寄行將恢復遭讒所忌生既無炸死亦何
愧萬古長存惟忠與義

之後為掃帚塢黃龍洞護國仁王禪寺

護國仁王禪寺宋淳祐間經畧花園使孟珙建自
其趾斗折而上有洞豁訝深杳莫測水泉紺凜
旱不縮而潦不盈有龍居焉故老相傳曩夏雨
初霽時常有神物蜿蜒卧松上其氣苒苒然而
黃蓋黃龍也故世號黃龍洞珙既建仁王寺并
作龍祠延高僧慧開居之屬歲又旱理宗召慧
開祈雨退而默坐帝遣內侍問之對曰寂然不
動感而後通既而大雨自是無雨輒禱禱輒應
遂封黃龍為靈濟侯賜祠額曰護國龍祠元至
正燬洪武初僧祖吉重建其東有黃山橋塢內

有天龍庵永安院西靖宮並廢

又西爲淨性禪寺

淨性寺宋乾德五年吳越王建名淨心院大中祥符間改今額元末燬國初重建傍有青衣

橋

履泰山之西爲僊姑山張憲墓

僊姑山之西東山街口可通古蕩西溪靈隱山脈至此少伏若斷而連其傍有桃花街舊有淨勝院俗稱昇仙宮宋時女僧妙清建高宗嘗臨觀焉有御愛松院側有乾濕水洞

張憲墓憲岳武穆愛將也累立戰功紹興十年兀木頓兵臨穎憲破其兵追奔十五里中原大震會奏檜王和班師憲還未幾檜與張俊謀殺岳飛誘飛部曲能告飛事者卒無人應張俊乃自爲狀付奸人王俊妄言憲與岳雲通書謀還飛兵權張俊親行鞠煉憲被掠無全膚竟不伏張俊乃手具獄詞告成于檜憲坐死塋于此景定二年追封烈文侯元總管真思忠爲立石表其墓尋廢皇明正德十二年布衣王天祐發地得碣石乃崇封焉知府梁材爲建廟宇修撰

唐皇爲之記

山麓舊有冲虚觀福壽觀妙明院傳經院淨元觀
葑洲園並廢○冲虚觀宋寧宗時宮人張氏爲
尼建此○福壽院乃旌德寺之子院也有寧宗
御書桂堂二字○葑洲園廖瑩中別墅有花香
竹色太平相在世綵愛君子習說等亭

儂姑山之西爲青芝塢王泉講寺

青芝塢有五色土雜銀星者嘗產青芝從石板巷
入南宋駐蹕繞湖皆市廛也故有巷名其前爲
佛牙塢

王泉寺故名淨空院南齊建元中僧曇超說法於
此龍王來聽爲之撫掌出泉遂建龍王祠晉天
福三年始建淨空院于泉左宋理宗書王泉淨
空院額以榜之祠前有池畝許清澈可鑑蓄五
色魚數十頭遊泳如畫其泉溉田千頃近者曰
鮑家田吳越相鮑慶臣采地也

皇明宣德

間置白紙局就池造紙淆濁久之局廢而泉復
冽矣旁一小池水翠綠雖以白粉投之亦成綠
色白樂天詩湛湛玉泉色悠悠浮雲身閒心對
定水清淨兩無塵手把青筇杖頭戴白綸巾興

盡下山去知我是何人○吳廉靜過鮑家田詩
搖旆家家酒扶犁處處村草深迷井口槿密擁
籬根綠水明秧本青山失繞痕多應忌蠶事畏
客掩柴門

塢內舊有慈聖院普向院竹所院天清宮常清宮
南禪資福尼寺顯忠寺顯嚴寺報德寺並廢○
慈聖院有呂公池宋乾道間高僧能會池上縛
庵取水咒之以施病者輒愈遂號聖水池○普
向院宋紹興間殿帥楊存中請以鮑家田為殿
王司諸軍墓所建院守之尋加愍忠資福普向之

額○天清宮宋時道士沈師謙建○常清宮宋
沂王功德院○南禪資福院宋紹興初封開尼
惠果從駕建累朝內宮施捨殿宇甚盛○顯忠
寺宋內侍羅舜香火

其後為靈峰禪寺

靈峰寺故名鷲峰禪院晉開運間吳越王建延伏
虎光禪師居之捨田數千畝度僧數百宋治平
間改賜今額俗傳為唐時裴休墓院者非也寺
內有翠微閣眠雲堂洗鉢池幽僻岑寂遊人罕
至天陰月黑時聞偃魑悲嘯林間近有築墳其

傍者穴地文餘得甕缶畜腐墨物若醯醬類者
蓋兵燹之餘也前朝居民稠密湖山殆無隙地
云

又北爲法華山秦亭山方井佛惠禪寺智勝庵東嶽
廟

法華山去靈隱山後可里許去北十里爲西溪秦
亭則法華之分脉也俗訛爲蜻蜒山

方井在桃源嶺下徑六尺深一仞許井上有亭米
元章書扁久廢正德十年里人王槐重建進士

鄧鑾記

佛惠禪寺晉天福中建○智勝庵 皇明弘治

間建○東嶽廟宋時建

青芝塢西南爲慶化山水竹塢神霄雷院

水竹塢宋爲步司前軍寨其傍有宋殿撰周杞墓
杞處州人建炎三年知常州值苗劉之亂杞倡
義勤王以功除右文殿修撰卒葬於此其兄格
建炎初爲浙西提刑死於陳通之亂贈龍圖閣
學士勅葬於其山兄弟忠義名震一時云

神霄雷院宋咸淳間羽士陳崇真者自閩來卜居
于此善雷法因勅建雷院以居之賜號冲素真

人六月二十四日郡人雲集設醮捨皆至今不廢

圖中

西湖遊覽志第十卷

錢唐田 汝成 輯

北山勝蹟

儼姑山之西南為駝巘嶺過行春橋入九里松

駝巘嶺一名訖苑嶺有濟王墓濟王竝者寧宗長

子也先主寧宗之教宗子得太祖十世孫昀以

嗣沂王之子也寧宗之孫也遠在嶺西 逐日謀孽於寧

宗屬之於寧宗之子明熹宗周楊后矯詔立

昀為太子也 昀之子也 昀之子也 昀之子也

潘丙之子也 潘丙之子也 潘丙之子也

聞靈芝
乃元宗詔復

王宮

行春橋
人苑
可近至元
得鐵券一題曰鴈門
六狗兒壞我屋其定數如此殆知行春橋乃橫
衝橋也又西有小行春橋乃九里松徑其南爲
黃泥嶺可達南山又西爲唐家 補馬家 橋

九里松唐刺史袁仁敬守杭植松以達靈芝凡九

里左右各三行每行相去八九尺蒼翠夾道宋
有一字門吳說書九里松三字高宗欲易已書
以黼黻湖山命筆數十幅嘆曰無以易說所書
也遂以金飾舊額重揭之今亡余闕賦九里松
送吳左丞詩結駟向青郊松陰九里遙言從天
竺寺直渡小春橋偃蹇成芝蓋蕭瑟蔭蘭橈相
逢何所贈期君保後凋○少師夏公謹詩百盤
雲磴入千峰
豹半空鱗田
添黛色濃欲
丹青圖直幹恨無韋
偃得相從

九里松傍舊有麴院西溪庫三藏塔明真宮資德
廟萬壽院紫芝道院靈曜觀崇壽院昇僊宮香
林園斑衣園朱弁墓金廢○麴院宋時取金沙
礪之水造麴以釀官酒其地多荷花世稱麴院
風荷是也○西溪庫沽酒之所○三藏塔在臘
脂嶺下土色甚赤故名○明真宮宋嘉定中建
寧宗書扁○資德廟在唐家衝口有慕容貴妃
墓○萬壽院在瑞岡塢南山白雲宗建○紫芝
道院道士陳崇真建○靈曜觀在駝死嶺下○
崇壽院張淑妃香火院○斑衣園韓世忠別墅

○朱弁墓弁徽州人紹興初授官副王倫使虜
見執附表云節上之旄盡落口中之舌徒存嘆
馬角之未生竟飛雪窖攀龍髯而莫逮淚灑冰
天高宗覽之流涕後歸卒葬於此

折而南爲僊芝嶺晉福講寺葛翁井

僊芝嶺俗稱臘脂嶺下有瑞岡塢鷓子塢香藥礪
綠筠坡自北而南可達小麥嶺

晉福講寺宋咸淳間天台僧朋礪募貴戚鮑氏建
凡八年始成穿殿傑閣諸刹罕倫飯僧至三千
人家之巽爲記元時趙子昂書額國初猶盛今

寥落將滅矣寺內有芝雲臺鄧文原寄住持無
公詩淨土談玄屢歎靡平生我亦悟毘尼天台
道在毘陵記廬阜神交惠遠師度嶺白雲飛錫
處散花清晝說經時西南峯下龍泓路曾記山

房舊賦詩

葛翁井亦稚川遺蹟有無尾螺螄

寺西舊有圓覺天台教寺自唐開山為修證了義
法師塔院宋南渡後重建高宗書天申萬壽圓
覺寺額以賜時有僧守璋能詩所著有柿園集
高宗嘗書其晚春一絕云草深烟景重林茂夕

陽微不雨花猶落無風絮自飛復親書圓覺經
及製二詩賜之詩云古寺春山青更妍長松修
竹翠含烟汲泉擬欲增茶興暫就僧房借榻眠
久坐方知春晝長靜中心地自清涼人人圓覺
何曾覺但見塵勞盡日狂寺有歸雲堂三昧正
愛閣理宗御書清涼覺地元至正燬○宋吳寶
鎮詩梵室飄香隔竹聞壁間曾賜爛奎文山深
翠叢經行處猶卧從龍說○元饒文原詩
大圓覺境清涼地要闡毘盧不藏開飛錫不妨
隨鶴下蟠奩曾見有龍來相逐定在三生路盡

了塵心萬劫灰憶我初年慕靈蹤
曉石橋烟雨過

天台

又西爲黑觀音堂

黑觀音堂在集慶寺之東俗傳弘治間太監張慶
遊山至此見青衣女子衝過
入此庵索之不得見座中黑漆觀音禮拜而去自此香火遂盛
此曠曠之說也不知觀音男子女相者也豈真
女子哉白王瞻觀音像贊云柳絮多頭緒桃花
好面皮夫是之謂誰東海比丘尼又云頂戴彌
陀呈醜拙手持楊柳惹塵埃縱饒入得三摩地

當甚街頭破草鞋夫以觀音爲比丘尼亦取其
女像而云然爾

又西爲集慶山顯慈集慶講寺

集慶講寺宋理宗淳祐十一年貴妃閻氏建爲功
德院閻氏鄞縣人明艷絕倫後宮爲之奪寵寺
額皆御書巧麗冠於諸刹經始之辰內司分市
材木於郡縣旁緣爲奸孽奇探斫鞭笞追逮鷄
犬不寧雖勳臣舊輔之墓皆不得自保或作詩
諷之曰合抱長材臥壑深予今惟恨不空林誰
知廣廈千斤斧斲盡人間孝子心其後恩數漸

隆雖御前五山亦所不逮一日忽於法堂鼓上
得大字一聯云淨慈靈隱三天竺不及閻妃好
面皮於是行下天府緝捕其人終不得有三池
九井月桂亭金波池金燧猶存理宗御容一軸
燕遊圖一軸仇仁近詩半生三宿此招提眼底
交遊更有誰顧愷謾留金粟影杜陵忍賦玉華
詩旋烹紫笋猶含籜自摘青茶未展旗聽徹洞
簫清不寐月明正照古松枝

又西泠過合澗橋爲飛來峰龍泓洞青林洞王乳洞
射水洞靈鷲塔

合澗橋在飛來峰路口北澗自靈隱而下南澗自
天竺而下合流于此號曰錢源唐時有靈隱天
竺寺門袁居中所書白樂天詩一山分作兩山
門兩寺元從一寺分東澗水流西澗水南山雲
起北山雲前臺花發後臺見上界鐘聲下界聞
遙想吾師行道處天香桂子落紛紛○張光弼
詩兩澗何年合一橋終日閒桃花逐流水未覺
是人間

飛來峰界乎靈隱天竺兩山之間蓋支龍之秀演
者高不踰數十丈而怪石森立青蒼玉削若駭

豹蹲獅筆卓劍植衡從。偃仰益玩益奇。上多異木不假土壤。根生石外。矯若龍蛇。鬱鬱然丹葩翠蕤。蒙幕聯絡。冬夏常青。烟雪月四景尤佳。其下巖扃窈窕。屈曲通明。壁間布鑄佛像。皆元浮屠楊璉真伽所爲也。晉咸和元年。西僧慧理登而嘆曰。此乃中天竺國靈鷲山之小嶺。不知何以飛來。僊靈隱窟。今復爾否。因樹錫結庵。名曰靈隱。命其峰曰飛來。支分而回拱者曰靈鷲。曰稽留。日月往曰蓮花。盤礴照曜。爭奇而競秀。乳漉泠泠。大旱不絕。僧慧洪詩。意行忽出門。欲

留聊執杖。雲間飛來峰。歸然眉睫上。氣勢欲翔舞。秀色無千嶂。萬物皆我造。何從有來往。大千等毫末。古今歸俯仰。心知目所見。皆卽自幻妄。如窺鏡中容。容豈他人像。頗怪胡阿師。乃作去來相。此意果是非。一笑聲輒放。但復臨冷泉。舉手弄清漲。○陳剛中詩。寒峰插天出。玲瓏萬箇蒼。微風起松際。怪石勢搖撼。上有百尺松。幽花綴紅糝。野猿怒躍土。猶下露千點。回首冷泉亭。天鏡光瀲灩。遊姬長眉青。嬌童兩髦髧。平生山水癖。如人嗜。嘗歎對此一壺酒。玉色翻醉臉。路

逢老祝髮絡袍金光閃茲山信自佳恨爲緇塵
染置之且復醉天竺馭統統○林景熙詩何年
移竺國秀色發稜層清極不知夏虛中欲悟僧
樹幽嵐氣重泉落乳花凝猶憶烹茶處閒來話
葛藤○尹仲明詩湖山獨愛斐來峰孤猿長嘯
寒烟中丹霞赤壁藏梵宇布襪草履來仙翁松
根詰曲絡山骨水光雲氣相冥濛流傳來自天
竺國攘奪造化開鴻蒙吾意此語特虛幻豈有
重濁能凌空山川大地太始奠何假移撥迷西
東詩人好奇故踵襲眩惑千古欺盲瞽是耶非

耶姑勿論且坐挹此亭間風

龍泓洞一名通天洞俗傳其底可通浙東有採乳
石者入之間江濤浪浪然櫓聲聒耳壁間有蔣
之奇篆書賈似道廖瑩中等題名宋咸通中有
高士丁飛者字翰之居洞中讀書採藥力田自
給年七十二矣操練並斤斲陟峻如飛嘗月夜
登巖鼓瑟流淙協奏天籟淒冷往往致鸞鶴之
翔集

青林洞一名埋公巖深翠寒侵肌暑遊最
快

王乳射旭一洞宛轉通明懸泉淅淅乳溜若凝肪
然有徑可陟山頂壁滿題刻甚多苔蘚侵蝕漉
漫不可辨識奇石巖巖若縷若刻信天巧所爲
非人力也

新刊

靈鷲塔一名理公塔在龍泓洞口蓋慧理遺蹟也
過回龍橋爲石門澗冷泉亭

回龍橋在龍泓洞之左

石門澗卽冷泉所經一名靈隱浦楊蟠詩云有靈
何所隱深浦老蒹葭漁父一舟泊却疑秋漢槎
蓋先時澗浦深廣可以通舟宋紹興間有善堪

輿之術者言靈隱火山也得水可以禳災乃建
石閘以畜澗水 皇明弘治十三年山水橫

發閘崩而澗澁寺亦頽廢云○澗傍舊有連巖
棧伏虎棧皆爲楊髡鑿爲佛像醜怪刺目無復
天成之趣澗中有卧龍石慈雲法師種松其上
今松旣不存而石亦埋沒陵谷變遷亦可慨也
白樂天石門澗詩石門無舊徑披榛訪遺蹟時
逢山水秋清暉如古昔嘗聞慧遠輩題詩此巖
壁雲覆莓苔封蒼然無處覓蕭疎野生竹崩剝
多年石自從東晉後無復人遊歷獨有秋澗聲

潺湲空日夕○陸一觀冷泉放閘詩泉聲飛出
閘委迤綠陰間此地原無暑多時不入山草歇
疑石墜水定見魚還誰得同龜鶴遊吟半日閒
○周紫芝詩呼猿洞口水濺濺忽見奔流下九
天乞得少陵三峽句爲君題作倒流泉○萬里
西興浦口潮浪花真似海門高誰將一夜山中
雨換作三江八月潮

冷泉亭唐刺史元蕪建舊在水中今依澗而立冷
泉二字乃白樂天所書亭字乃蘇子瞻續書今
亦亡矣今扁旰江左贊隸書白樂天記略云東

南山水餘杭爲最就郡則靈隱寺爲最就寺則
冷泉亭爲最亭在山下水中寺西南隅高不倍
尋廣不累丈撮奇搜勝物無遁形春之日草薰
木欣可以導和納粹暢人氣血夏之日風冷泉
渟可以蠲煩析醜起人幽情山樹爲蓋巖石爲
屏雲從棟生水與階平坐而翫之可濯足於床
下臥而狎之可垂釣於枕上潺湲潔澈甘粹柔
滑眼目之囂心舌之垢不待盥滌見輒除去先
是領郡者相里君作虛白亭韓僕射臯作候僊
亭裴庶子棠棣作觀風亭盧給事元輔作見山

亭有司郎中元真最後作此亭五亭相望如指
之列佳境殫矣雖有敏心巧目復何加焉故吾
繼之述而不作○又留題天竺靈隱兩寺詩在
郡六百日入山十二回宿因月桂落醉爲海榴
開黃紙除書到青宮詔命催僧徒多悵望賓從
亦徘徊寺暗烟埋竹林香雨落梅別橋憐白石
辭洞戀青苔漸出松間路猶飛馬上杯誰教冷
泉水送我下山來○蘇子瞻送唐林夫詩靈隱
寺前天竺后兩洞春淙一靈鷲不知水從何處
來跳波赴壑如奔雷無情有意兩莫測肯向冷

泉亭下相縈回我在錢唐百六日山中暫來不
暖席今君欲就靈隱居葛衣草履隨僧蔬肯與
冷泉作主一百日不用二十四考書中書○曹
旣明詩朱簷日靜軒窗冷碧嶂雲低草樹香山
影倒沉波底月夜闌相對瀉寒光○張輿詩小
朶峰巒擁翠華倚雲樓閣是僧家憑欄盡日無
人語濯足寒泉數落花○林丹山詩一泓清可
浸詩脾冷暖年來只自知流出西湖載歌舞回
頭不似在山時○趙師秀冷泉夜坐詩云衆境
碧沉沉前峰月正臨樓鐘晴聽響池水夜觀深

清靜無人世虛空見佛心却尋來處宿風起古
松林

靈隱山北高峯靈隱禪寺

靈隱山去城西十二里高九十二丈周一十二里
亦曰靈苑曰僊居曰武林俗稱西山其山起歙
出睦跨富春控餘杭蜿蜒數百里結局于錢塘
如引兩臂南垂臙脂嶺北垂駝峴嶺其山峰之
北起者曰高峯高峯之東曰屏風嶺又東曰駝
峴嶺高峯之西者曰烏峰又西曰石筍又西曰
楊梅石門又西曰西源亦曰西庵支出于西源

之右者曰石人其南起而望之藹然者曰白猿
左出白猿之前者曰香爐益前而垂澗者曰興
正右出于白猿之前而雲水森然者曰月桂白
猿之東曰臙脂嶺白猿之西曰獅子峰又西曰
五峰又西曰白雲又西曰中印中印之前曰無
碍又前曰善住並善住而特起者曰稽留俗稱
鷄籠者訛也稽留之西曰蓮花有巖曰王女蓮
花之東曰飛來上有石梁西跨下有巖洞曰龍
泓曰香林曰射旭曰理公其水南流者謂之南
澗北流者謂之北澗南澗自合澗橋溯流至閭

雲峰之下凡八逾橋其七石也其一木也北澗
自龍脊橋迤流至西源峰之下凡七逾橋其四
石也其三木也南澗之源出自白雲峰而東注
會他支澗逾第八橋之西會奚家澗入新移澗
出閘口曲流北經合澗橋北澗之源出自西源
峰而東注過騰雲塢偃楓樹塢湍于第五橋下
浸飛來峰趾滙于西塢漾滄于洗耳潭瀦于渦
渚東嶼亦曰暖泉激灑于冷泉亭下經呼猿石
門澗潛激于龍脊橋東經合澗橋又東二里過
行春橋出靈隱浦入西湖謂之錢源泉之南出

者七曰月桂曰伏犀曰丹井曰永清曰偃松曰
聰明曰倚錫月桂在天竺寺之右伏犀在飛來
峰之巔其餘皆出支塢泉之北出者九曰冷泉
曰韜光曰白沙曰石筍曰白公茶井曰無著偃
松曰永安曰彌陀曰騰雲惟冷泉在澗壩其餘
皆出支塢

北高峯石磴數百級曲折三十六灣上有華光廟
以奉五顯之神山半有馬明王廟春日祈蠶者
咸往焉浮屠七層唐天寶中建會昌中燬錢王
修復之宋咸淳七年復燬羣山屏列湖水鏡淨

西滄志卷之十一
十一
雲光倒垂萬象在下漁舟歌舫若鷗鳧出没烟
波遠而益微僅覩其影西望羅刹江若匹練新
濯遙接海邑茫茫無際郡城正值江湖之間委
蛇曲折左右映帶屋宇鱗次草木雲霧鬱鬱葱
葱悉歸眉睫山頂舊有望海閣今廢蘇子瞻詩
言遊高峰塔蓐食治野裝火雲秋未衰及此初
旦涼霧霏巖谷暝日出草木香嘉我同來人久
便雲水鄉相觀小舉足前路高且長古松攀龍
蛇怪石坐牛羊漸聞鐘磬音飛鳥皆下翔入門
空無有雲海浩浩茫茫惟見聾道人老病時絕糧

問羊笑不答但指空

欲歸更

傍徨贈別留延布今

成天蚤霜○

詩捫蘿

百折上嶽嶺世界凡
倦到此分小
岳蓮來異
域孤撐天柱入層雲
江湖俯看盃中瀉鐘磬回
從地底聞借問須彌
在何處老僧留客且論文
○姚肇和詩高峰千仞
干嶙峋石磴躋攀翠靄
分一路松聲長帶雨
半空嵐氣總成雲
上方樓閣參差見
下界笙歌遠近聞
誰似當年蘇內翰
登臨處處有遺文

靈隱禪寺奇咸和元年僧慧理建山門扁曰絕勝

覺場相傳句洪所書或云宋之間書寺有石塔
四皆吳越王建宋景德四年改景德靈隱禪寺
元至大元年僧慈照重修覺皇殿至正間燬
國初重建改靈隱寺宣德間僧曇續建三門面
壁軒良玠建佛殿殿中有拜石長丈餘有花卉
鱗甲之文工巧如畫正統間琰理建直指堂堂
扁故張卽之書也舊有百尺彌勒閣蓮峰堂千
佛殿延賓水閣聖海閣巢雲亭見山亭白雲庵
松源庵及宋理宗御書覺皇寶殿妙莊嚴城並
廢宋之間詩驚巖鬱岩崑崙宮鎖寂寥樓觀滄

海日門對浙江潮桂子月中落天香雲外
蘿登塔遠刻木取泉遙霜薄花更發水輕葉互
凋風齡尚遐異搜對滌煩嘗待入天台路看余
度石橋○張祐詩峰巒開一掌朱檻幾環延佛
地花分界僧房竹引泉五更樓下月十里郭中
烟後塔聳亭前山橫閣前溪沙涵水靜澗石
點苔鮮好是歷久西巖深響連○賈島詩峰
前峰後寺無頂高懸見沃洲人在定中聞
蟋蟀鶴吟梅掛獼猴山鐘夜渡空江水汀月
寒生古

遊○林逋句
一遊靈隱詩山堂氣相合日暮
生秋陰松明
一遊靈隱詩山堂氣相合日暮
傾耳百慮沉
一遊靈隱詩山堂氣相合日暮
泉色寫我清
一遊靈隱詩山堂氣相合日暮
臺復丹井題
一遊靈隱詩山堂氣相合日暮
侵温顏照楫
一遊靈隱詩山堂氣相合日暮
一何深灑翰
一遊靈隱詩山堂氣相合日暮
天半千萬尋○予瞻和李杞留題靈隱寺方丈
詩君不見錢唐湖錢王壯觀今已無屋堆黃金
斗量珠運盡不勞折簡呼四方宦遊散其孳官

闕留與閒人娛盛衰哀樂兩須臾何用多憂心
鬱紆溪山處處皆可廬最愛靈隱飛來孤喬木
百丈蒼髯鬚擾擾下笑柳與蒲高堂會食羅千
夫撞鐘擊鼓喧朝晡凝香方丈眠甃甃絕勝絮
被逢海圖清風時來鶻齧餘遂超羲皇傲凡籟
歸時棲鴉正畢逋孤烟落日不可摹○王鎮威
詩路入西山窈復深法筵應有聖僧臨兩峰塔
影天垂蓋千佛林光地布金牛笛倘逢圓澤語
龍宮還見閻僊吟空中更上藏雲洞水樂泠泠
奏八音○少師夏公謹和楊邃老詩捫蘿詰曲

歷崔嵬玉削芙蓉面回開白日老僧初出定中
春有客到山來林深松樹雲霞遶地迴諸天日
月迴世上宰官元是泐洞門猿鶴莫驚猜○少
師巖中望自西湖入靈竺詩蘇橋初進艇靈峰
忽振衣三竺開丹鷲諸天在翠微瀾水浮花片
松磴鎖烟霏屈折巖扉到蕭條苔徑歸藉草還
畱酌聞香頓息機

山時舊有隱居堂思真堂夢謝亭紫薇亭翠微亭
壑雷亭瀑山馬橋虛白亭觀風亭候僊亭見山亭
靈鷲寺無垢院處士徐奩墓鐵舌庵海峰庵無

着禪師塔煖泉醴泉臥犀泉蕭公泉金廢○隱
居堂後漢陸緯建緯字文該隱居茲山學易圖
淮南王劉安及九師像以祀之又名九師堂○
思真堂晉許邁建○夢謝亭晉杜明禪師為謝
靈運建靈運會稽人其父舉之憂不宜畜乃寄
養於杜明杜明夜夢東南有賢人相訪翌日靈
運至遂建夢謝亭一名客兒亭盧元輔詩云長
松晉家樹絕頂客兒亭是也○紫薇亭唐紫薇
舍人唐詢建○翠微亭宋韓蘄王世忠建世忠
既忤秦檜解樞柄奉朝請逍遙湖上因建此亭

○虛白觀風候僊見山四亭見白樂天記中樂
天醉題候僊亭詩蹇步垂朱綬華纓映白鬚何
因駐衰老只且有歡娛酒興還應在詩情可便
無登山與臨水猶未要人扶又云謝安山下空
携妓柳惲洲邊只賦詩爭及湖亭今日會嘲花
詠水贈蛾眉張商英見詩簾捲踈烟醉眼
開浮雲飛盡見崔嵬苦嗟霖雨遮藏久深謝晴
風引致來丹桂有時明月滿舊山無路白猿哀
禪僧指我真空理心火茫然一夜灰○靈鷲寺
在合澗橋邊晉開運二年吳越王建宋嘉熙初

改興聖寺有靈山海閣滴翠軒九品觀堂東坡
祠堂元末燬今為張氏墓○無垢院在寺後方
丈○徐奩墓奩錢唐人隱居湖山以修真終老
宋徽宗聞其名賜號冲晦先生○無着禪師塔
禪師名文喜唐肅宗時人瘞骨於此韓侂胄取
為葬地遂啓其塔有陶龕焉容色如生髮垂至
眉指爪盤屈遠身舍利數百粒二日不壞竟茶
毘之僧肇淮海有詩云一定空山五日年不須
惆悵啓顏甄路遠多少麒麟塚過無入贈紙
錢○煖泉在臨安志云在法嶼卧犀泉

醴泉俱在

山半為石笋峰狀如

石笋峰一名卓筆峰

晉圓院一名晉嚴

圓內有超然臺金

茲山之勝建齋

蘇子瞻秦少游

數枝後黃夫人

蹟浪矣
後山古松婆娑泉極甘冽

韜光庵韜光禪師建師蜀人當唐太宗時辭師出

遊師囑之曰遇天可前逢巢即止師遊靈隱山

巢溝塢值白樂天守郡悟曰此吾師之命我也

遂卓錫焉樂天聞之遂與為友題其堂曰法安

嘗以詩招之入城云白屋炊香飯葷膾不入家

瀝泉澄葛粉洗手摘藤花青芥除黃葉紅薑帶

紫芽命師相伴食齋罷一甌茶韜光不赴報之

詩云山僧野性好林泉每向巖阿倚石眠不解

栽松陪玉勒惟能引水種金蓮白雲乍可來青

嶂明月難教下碧天城市不能飛錫去恐妨鶯

轉翠樓前內有金蓮池烹茗井壁間有趙閱道
蘇子瞻題名

靈隱寺之西爲嚴將軍墓

嚴將軍者名德太平當塗人從

高皇帝征伐

有功累授中翼元帥府統軍元帥會張士誠據
兩浙命德統兵征之連戰皆捷遂令守禦杭州
洪武元年天台賊反德往討之中流矢卒上悼
之贈驃騎上將軍追封天水郡公勅有司治塋
于此

又西爲栗山石人嶺王女巖

栗山高六十二丈石人嶺一名馮公嶺形如人狀
雙髻聳然下有洞府名王女巖一名新婦石西
北有珍珠塢東墓嶺飛泉二道吳大帝石杵存
焉上刻黃武二年歲在戊午八月三日凡十二
字

過嶺爲西溪

西溪居民數百家聚爲村市俗稱留下相傳宋高
宗初至杭時以其地豐厚欲都之後得鳳凰山
乃云西溪且留下後人遂以爲名楊蟠詩爲愛
西溪好長憂溪水窮山源春更落散入野田中

○董嗣杲詩漁樵耕作自成村就屋編籬古意
存出塢野雲多曲折過橋溪水半清渾一逢白
壁書香社幾見朱闌障寒山地利最饒人事簡
山家還有別乾坤

嶺下舊有時思薦福寺晉咸和中建于下天竺基
宋紹興間遷于此爲徽宗吳太后塋所高宗書
額太后手書金剛經置塔中有宜對亭通雲亭
天池樓雙珠亭禹王軒湖山至此幽邃極矣元
至正末燬國初重建後燬墓前有二石馬琢
刻如生舊傳夜輒馳驟鞦韆光瑩如玉至今苔

洞對舊有上下永福寺天聖寺今廢○永福寺一
形勝山下一名資嚴山宋慈國黃夫人功德院
宏規巧構丹雘相輝瓦用碧色埴琉璃咸淳九年
建至元時分爲上下兩院內有金沙池銀冰池
福泉亭雨花亭石笋厓

湖遊覽志第十卷終

西湖遊覽志第十一卷

北山勝蹟

錢唐田 汝成 輯撰

自合澗橋折而南度佛國山門為下天竺講寺靈鷲峰月桂峰稽留峰蓮花峰二生石翻經室香林洞葛塢葛井神尼舍利塔

佛國山門舊為鐘離權書後改張卽之書今所懸乃 皇明涼國公晉額蓋僧家者流托權勢以為重未必真藍氏手筆也

下天竺寺坐靈鷲山麓亦晉僧慧理建隋開皇十

五年有僧真觀者錢唐人操行高潔掌有僊文
與禪師道安頭陀石室檀越陳仲寶拓而脩之
號南天竺寺五代特號五百羅漢院宋大中祥
符初改靈山寺天禧四年復天竺寺天聖中僧
遵式重修有蒼蘄堂慶元三年改天竺靈隱寺
三竺之勝周回數十里而巖壑尤美者廻聚茲
區自飛來峰轉至寺後巖洞玲瓏瑩拔清朗如
伏虬飛鳳屬花繁萼皺穀疊浪妍態怪狀不可
縷陳其材木皆自巖骨擢起蒼翠葱鬱不土而
茂傳言茲山出產玉故腴潤育物如此○張祐詩

西南山最勝一界是諸天上路穿巖竹分流入
寺泉躡雲丹井畔望月石橋邊洞壑江聲遠樓
臺海氣連塔明春嶺雪鐘散暮松烟何處去猶
恨更看峰頂蓮○張仲舉遊寺詩石梁濺水濕
蒼苔陰洞穿苔石底回殿閣金銀從地湧山林
圖畫自天開○曾到金一住猿認人呼下樹
來遊興本西天竺三竺尚徘徊西湖之
流水與三竺秋嵐陰三竺明重來尋○

白廷王

徑深... 吹潤撲衣巾

松蘿掩

往來... 天講石尚存

天寶字

春城中... 日空西墜自

與長安

靈鷲峰卽飛來... 石上靈隱天竺皆慧理道

場而桂子天香... 寺共之樂天詩所謂兩

寺元從一寺分... 山分作兩山門者是也

月桂峰唐天聖中秋... 甚朗降靈實於茲山狀若

珠璣璀璨奪目... 有異人識之因曰此月中桂子

也遂以名峰故宋之問詩云桂子月中落白樂

天詩云宿因月桂落皆謂是耳峰下舊有月桂

亭慈永拾桂子詩丹桂生瑤實千年會一時偏

從天竺落祇向月宮知出海光輪滿當軒玉樹

歌嬋娟含素影... 下空屏泉客珠連泣秋荷

露忽垂林間... 種桂子詩

云嫦娥守... 怡憫家樹移栽

佛國山... 日歲寒裏

杉松相... 許由峰而

稽畱峰相... 靈隱山曰

訛為稽畱

當年隱許
也然
稽畱為
許遠游
入靈隱
日山陰
之士在
蓮花峰
梅詢詩
邊嬋娟
秋江側
涉川試
誰採作
礪當自
惜坐與

榮落同正心未嘗易

三生石在寺後唐時有李源者京洛人父愷死安祿山之難源悲憤不仕不要居惠林寺者三十年與僧圓澤友善相約遊蜀中峨眉山源欲自荆州泝峽澤欲取長安科谷路源不可曰吾已絕世事豈可復道京師哉澤默然久之曰行止固不由人遂自荆州路舟次南浦見婦人錦襠負箠而汲圓澤曰此吾託身之所也源驚問之澤曰婦人姓王氏一子一孫之子一歲矣吾不來故不得乳人既見無可述者公所以符咒助

我速生三日浴兒時
臨視我以笑為信後十
三年中秋月夜當與
相見于杭州天竺寺源
悲悔為具沐浴易服
一息淨三品如乳三日往
視之見見原果笑源遂不果入蜀友居惠林後
十三年自若適杭州
約所聞葛洪川畔有
牧童菱髻騎牛歌竹
一唱水呼源觀之乃圓澤
也歌曰三生石上舊精
魂賞月臨風不要論
慚愧情人遠相訪此
身雖異性常存源問
澤公健否答曰李公
真信七俗緣未盡慎
勿相近願勤修之又
歌曰身前身後事
茫茫欲話因緣恐斷

腸吳越山川尋已遍却回烟棹上瞿塘遂拂袖
入烟霞而去

翻經臺相傳謝靈運為兒時翻經于此廬山記云
謝靈運見遠公而異之以此本涅槃經翻為南
本三十二卷遂以名臺則臺當在廬山而茲山
更見豈後人希謝氏之高踪而托名耶唐姚鉉
詩康樂悟玄機寂寥此棲息經翻貝葉文臺近
蓮花石

香林洞一名香桂林舊有香林亭其右為日月巖
董嗣杲詩日月巖頭古翠埋錦雲深隔洞門開

蒼藤隨石無根活靈柩何年有種栽氣裊野烟
疑麝過暖薰山雨悞蜂來空亭誰領幽芬坐雲
鶴同行損綠苔○黃初處詩日射巖扉曉霧開
杖藜拄石破蒼苔一雙鯁蝶隨人去知是香林
洞裏來

葛塢葛井皆稚川遺踪也相傳吳赤烏二年葛稚
川得道于此唐時有方士葛孝僊亦隱茲山故
郭祥正詩云二葛既成仙猶存煉丹處是也梅
詢詩僊翁道未泯棲神在巖石酌彼山下泉窮
年煉丹液洞陰春始綠苔甃秋涵碧緬邈不可

攀凭欄望鳧鳥○圓法師詩僊去遺踪在泠泠
翠岳邊冷光涵碧甃暗脉瀉寒泉月映冰壺淺
秋澄古鑑圓羽人居止近閒汲灌芝田
神尼舍利塔在靈鷲峰頂隋仁壽二年遣僧齋神
尼舍利於此造塔發上得石坎因以所齋舍利
石函納其中不差分寸人咸異之

寺畔舊有七寶普賢閣日觀庵西嶺草堂七葉堂
九品觀堂金光明二昧堂夜講堂無量壽閣慈
雲藏主榻旃檀觀音像瑞光塔重榮檜石面靈
桃無根藤水臺盤曲水亭回車軒枕流亭登嘯

亭適安亭清暉亭跳珠亭蓮花水水波石鬪鷄
巖朱野並廢○七寶晉賢閣沙門善照以七寶
塑晉賢菩薩像吏部尚書虞策志其事○日觀
庵僧遵式建范仲淹爲之記寺中至今相傳有
文正公卧榻王隨寄詩語傳要妙三乘法香供
精嚴七祖堂日觀庵中絕塵念彌天高雨靄錢
唐遵式博習教規著淨土懺儀天聖中示滅有
大星隕靈鷲峰塔名瑞光○西嶺草堂唐時道
標法師立遵式詩昔人枕窮林築室行真道自
後數百年山邊惟蔓草○七葉堂白樂天詩鬱

鬱復鬱鬱此熱何時畢宜人七葉堂煩暑隨步
失簷雨稍霏微牕風正蕭瑟清閒一覺睡可以
消百疾○重榮檜在光明懺堂後隋朝所植高
數丈大十圍後爲兵火所燎至大中祥符間復
茂○石面靈枕在翻經臺之側生于石面結實
甚大而甘宋政和間取植上苑○曲水亭一名
流盃亭亭心有水臺盤曲折可流觴傍有遵式
所立陸羽二寺記碑薛映詩臺盤䟽石渠激流
環四面夏屋有餘清羽觴隨意轉賓告醉言歸
主稱情未倦雖非襍飲辰豈謝蘭亭讌梅詢詩

鶴髮山中人 疏泉鑿幽石如憑青玉案分遞白
 雲液泠泠濺雕俎瑟瑟穿吟席醉坐三伏中煩
 襟自消釋○回軒亭在曲水亭傍○枕流亭內
 有無竭泉宋高宗嘗臨觀賜扁○跳珠軒在客
 寮中有泉出石罅飛洒如珠蘇子瞻詩道眼轉
 丹青嘗于寂處鳴早知雨是水不作兩般聲○
 朱聖梁時鹽官隱士朱世卿別墅
 又南為楓木塢中天竺禪寺千歲巖

中天竺寺在稽留峰北隋開皇十七年僧寶掌建
 寶掌以唐高宗顯慶二年住浦江化去自稱度

世一千七十二年故茲山中 尚有千歲巖吳越
 王改崇壽院政和四年改曰天寧萬壽永祚禪
 寺南渡初有摩利支菩薩像淳熙間建華嚴閣
 元天曆間有僧大忻得幸於文宗改天曆永祚
 禪寺其山門中天竺二字乃 國朝魏國公署
 額白樂天詩雜芳澗草合繁綠巖樹新山深景
 候晚四月有餘春竹寺過微雨石逕無纖塵白
 衣一居士方袍四道人地是佛國土人非俗交
 親城中山下別相從亦殷勤○參寥子詩夕陽
 山氣靄葱蔥路轉松陰復幾重行過石橋人未

見數聲先聽寺樓鐘稽留峰堦好林泉珍重幽
棲得所便栢子烟中能宴坐想無餘習可攀綠
霜壓簾籠雪泫條銀河初轉斗垂杓清言共失
三更夢錯恨芙蓉漏易消○王元章送僧歸天
竺詩天香閣上風如水千歲巖前雲似苔明月
不期穿樹出老夫曾此聽猿來相逢五載無書
寄却憶三生有夢回鄉曲故人憑問信孤山梅
樹幾番開

寺畔舊有天香閣桂子堂此中亭如意泉興福院
多福院大明寺永清寺東岡塔蘇和墓並廢○

天香閣黃潛詩上方樓閣鬱岩堯百尺危欄架
次寥曾是高人行道處天香雲外至今飄○興
福院淳熙初慧光禪師建○多福院吳越時建
○大明寺法華和尚建○東岡塔隋法師真觀
建○蘇和墓和錢唐人建閣收書蘇子瞻題曰
錢唐書藏卒塋於此

中天竺之對爲永清塢心庵

永清塢之背卽爲龍井正德中陳氏建庵塢中名
永清庵

心庵正德間寶珠禪師建有白雪巖之液泉

又西南過肅儀直見心息為上天竺講寺乳竇峰獅子峰雙桂峰白雲峰天竺嚴夢泉大悲泉如意池肅儀亭宋嘉祐中僧元淨字無像於潛人受戒於天竺慈雲無礙行精進神宗嘉之錫號辨才居上天竺二十八年與蘇子瞻昆季趙開道友善頃之還於潛復歸天竺遷居龍井子瞻贈之詩云道人出山去山色如死灰白雲不解笑青山有餘哀忽聞道人歸鳥悅山容開神光出寶髻法雨洗浮埃想見南北山花發前後臺寄聲問道入借禪以為詠何所聞而去何所見而

回道人笑不答此意安在哉昔年本不住今者亦無來此語竟非是且食白楊梅趙閱道贊云師去天竺山空鬼哭天竺師歸道場光輝大士大悲實師焉依師乎真乎真金琉璃教宗智者法嗣韶師須彌有壞至道無為稽首慈相仰之讚之皆無妙幻豈勝言思亭久廢 皇朝洪武二十八年僧一如重建一如者會稽人善講法華經少師姚廣孝嘗語人曰如公兩浙一人也永樂間修大藏經詔一如總其事寵賚甚渥卒葬天竺山少傳楊士奇為之志

西泠志卷二十一
見心亭嘉靖十二年都指揮僉事李節建其西有
梅峰庵今廢

上天竺寺晉天福間僧道翊結庵山中一夕見瑞
光發於前澗就視之得奇木刻畫觀音大士像
後漢乾祐間有僧從勳自洛陽持古佛舍利來
置頂中妙相咸備畫及白光士民崇信吳越王
嘗夢白衣人求緝其居寤而有感遂建天竺觀
音看經院宋咸平中浙西久旱郡守張去華率
僚屬具幡蓋鼓吹迎觀音而禱靈雨濡足自是
有禱輒應蘓子瞻雨中遊觀音院詩云蠶欲老

兮麥欲黃山前山後雨浪浪農夫輒耒女停筐
白衣仙人坐高堂蓋有望於祈晴也南渡時捨
施珍寶有日月珠鬼谷珠猫睛等雖大內亦以
為罕見嘉祐中沈文通治郡調觀音以聲音宣
佛力非禪那所居乃以教易禪命僧辨才元淨
主之鑿山築室幾至萬礎治平中郡守蔡襄奏
賜靈感觀音殿額元淨乃益鑿前山闢地二十
有五尋殿加重簷建炎四年元木入臨安高宗
遜于海元木謁天竺問知觀音本始乃舉之輿
中與大藏經併徙而北時有比丘智完者率其

西泠志卷之十一
十一
徒以從至燕舍於都城之西南五里曰王河鄉
建寺以奉天竺之僧乃重以他木刻肖前像詭
曰藏之井中而出之至今稱觀音出現井其實
非故物也乾道三年建十六觀堂七年改院爲
寺門扁皆御書慶元三年改天台教寺元至元
三年燬五年僧慶思建建仍改天竺教寺元末
燬國初重建累朝代有宣賜金帛及寶幡
之屬寺內有白雲堂兩峰堂中印堂雲漢閣應
真閣延桂閣秋芳閣伴雲閣清華軒植杖亭謝
履亭流虹澗金佛橋琮老橋凝翠泉觀音泉雲

液池池上有辨才手植山茶花並廢唯白雲堂
尚存○宋孝宗觀音像贊猗歟大士本自圓通
示言有說爲世之宗明環無二等觀以熙隨感
卽應妙不可思○理宗觀音像贊神通至妙兮
隱顯莫測功德無邊兮感應甚速時和歲豐兮
祐我生民兵革刑措兮康此王國○李太白與
從姪良遊天竺寺詩桂席凌蒼丘觀濤憇樟樓
三山動逸興一馬同遨遊天竺森在眼松風颯
驚秋覽雲測絲化弄水窮清幽疊嶂隔遙巒當
軒寫歸流尋成傲雲日佳趣滄吳洲○蘇子瞻

秋日龍井訪辨詩不辭清曉扣松扉却值支
公久不歸山鳥不鳴天欲雪捲簾惟見白雲飛
乳竇峰在天竺寺南下有空巖懸乳如脂甘和可
啗其西爲獅子峰雙桂峰又曰雙桂巖其北爲
白雲峰其東爲天香巖烏石峰稍南爲中印峰
重岡疊巘蒼翠輝映又西爲蛾眉山
夢泉宋崇寧元年浙西大旱寺中厨水不給主僧
王法師夢泉發于西坡鑿之果得遂名夢泉
大慈泉在講堂下流逸殿前經如意池池以青石
爲之方丈面鏤如意文曲折回遶可流觴焉

出門
出寺折而東南爲幽淙嶺捫壁嶺活沙塢再上爲天

幽淙嶺俗稱水出嶺病其不雅易以今名深壑冷
泠巉石齒齒陟此者必布襪芒屨前後牽挽三
步一踴五步一躡草樹四周仰天一線至捫壁
嶺則左迫峭嶂右臨深溪緣木扳蘿方可舉趾
活沙者流沙也滑而善崩上至天門則諸山下
伏雙峰錐立西湖鏡開遊覽至此譬諸洞開武
庫珍寶橫陳無復底蘊從此而東則爲龍井又
南爲郎官嶺小青嶺大青嶺升降相因西湖或

隱或見又南則爲五雲山矣

夏可洲卷之二

一三

趙其新刊

